

**ILUARSIISSUT****Isumaliutissiissut 12. maj ulluligaq taarserpaa. Inassuteqaatit allannngortinneqarput.**

**Imartami sillimaniarnerup, umiarsuarnik nalunaarsuinerup, inatsiseqarnerup il.il. tamakkiisumik oqartussaaffigineqalersinnaaneri pillugit Naalakkersuisut UPA2020-mi nassuiaammik saqqummiussinissamik peqquneqarnissaannik Inatsisartut aalajangiiffigisassaattut siunnersuut.**  
(Inatsisartunut ilaasortaq Henrik Fleischer, Siumut)

**Pillugu****Sanaartornermut ataatsimiititaliap****ISUMALIUTISSIISSUTAA****Siunnersuutip aappassanneerpeqarnerani tunniunneqartoq**

Suliarinninnermi kingullermi ataatsimiititaliaq ukuninnga inuttaqarpoq:

Inatsisartunut ilaasortaq Anders Olsen, Siumut, siulittaasoq  
Inatsisartunut ilaasortaq Peter Olsen, Inuit Ataqatigiit, Siulittaasup tullia  
Inatsisartunut ilaasortaq Nikkulaat Jeremisassen, Siumut  
Inatsisartunut ilaasortaq Justus Hansen, Demokraterne

UPA 2019-mi Ulloq 25. april 2019 siullermeerinninnerup kingorna siunnersuut ataatsimiititaliamit misissorneqarpoq

**Siunnersuutip siunertaa imarisaalu**

Imaatigut sillimaniarneq, umiarsuit nalunaarsorneqarnerat aamma imartami inatsiseqarnermut oqartuussaaffiup tamarmiusup angerlaanneqarsinnaaneranut periarfissat nutaat nalilersorneqarnissaat siunnersuuteqartup siunnersuutikkut kissaatigaa. (Namminersorneq pillugu inatsisit allattorsimaffiat II, nr. 20-21)

**Siunnersuutip inatsisartuni siullermeerlugu suliarineqarnera**

Ataatsimut isigalugu siunnersuut tigulluarneqarpoq. 2015-mili assingusumik ujartuisoqarsimaneranut innersuussisoqarluni, (Imartatsinni angallanermik misissuineq - Namminersorlutik Oqartussat imartatsinnut immikkoortup angerlaanneqarsinnaaneranut takussutissaliorluni misissuineq), taannalu 2017-mi upernaakkut ataatsimiinnermi

agguanneqarpoq. Misissuinermit tassannga kisitsisit atorneqaqqissinnaasut taamanikkut Naalackersuisut nalilerpaat.

Siunnersuutip siullermeerneqarnerani Naalackersuisut inassutigaat, allannguutissatut siunnersuummik imaattumik ilallugu, siunnersuut akuerineqassasoq.

”Imartami sillimaniarnerup, umiarsuarnik nalunaarsuinerup, inatsiseqarnerup ilaalu ilanngullugit suliaasaqarfiup tamakkiisumik oqartussaaffigineqalersinnaaneri pillugit ataqatigiissakkamik nalilersuisoqassasoq 2020 Ukiaanerani ataatsimiinnissamut.”

### **Siunnersuutip aningaasatigut kingunerisassai.**

Inatsisartut suleriaasianni § 33. Imm. 1-mi allassimavoq aalajangiiffigisassatut siunnersuutip piviusunnagortinneqarnerani aningaasatigut kinguneritinnegartussat siunnersuutip tunngavilersuutaanut ilanngullugit allassimassasut.

Siunnersuutip piviusunnagortinneqarnerani, taamaalilluni misissuinermi aningaasatigut kinguneritinnegartussat siunnersuummi tamatumunnga naapertuuttumik allassimasut 250.00 kr-usut ataatsimiititaliamit maluginiarneqarpoq. Tamanna Naalackersuisunit allannagortinneqassanngilaq, taamaattumillu sanaartornermut ataatsimiititaliamit allatut naliliinissaq pisariaqarsorinannilaq.

Immikkoortoq tamarmi angerlaanneqassappat 25,4 mio. kr.-nik naleqartussatut naatsorsorneqarsimasoq ilanngullugu siunnersuummi takuneqarsinnaavoq. Misissuinermi 25 mio.kr.-nik kiisalu aallartisarnermi 35 mio. kr.-nik naleqartussatut Naalackersuisut naatsorsuutigaat.

Nalilersueqqissaarnermi aningaasat taakku itisilerneqarnissaat ataatsimiititaliamit kissaatigineqarpoq. Pingaarnertullu maannakkut inuttaliissutissatut pisariaqartinneqartut pineqartumut piginnaasallit pigineqarnersut misissorneqarnissaat immikkut kissaatigineqarluni, taamaattoqanngippammi suminngaanniit pissarsisarineqassappat aamma qanoq akeqassangatinneqarpat naggataatigullu sulisut pisariaqartinneqartut ilinniartinnissaannut piffissaq qanoq sivistutigisoq atorneqassava aamma qanoq akeqassava.

### **Ataatsimiititaliap siunnersuummik suliaqarnera**

Siunnersuut ataatsimiititaliamit eqqartorneqarpoq. Imarsiorneq pillugu misissuinerup nutarterneqarnissaa siusippallaartoq ataatsimiititaliaq isumaqarpoq, tassami akit tunngavigalugit ingerlaannaq taamaaginnarnissaa ilimagineqassammat.

Siunissami allaffissornikkut suliaasaassanut aamma umiartortut pineqartut

angerlaanneqarnissaanut attuumassuteqartussat sullissisussanut tunngatillugu suliassanut piginnaasaasa ineriartortinneqarsimanerat ataatsimiititaliamit tunuarsimaarfigineqassanngilaq.

Taamatuttaa q suliassa qarfiup Danmarkimi ingerlanneqarnerata qanoq akeqarnissaanut kisitsisit imaaliallaannaq nuunneqarsinnaanerata ataatsimiititaliamit qularutigineqarpoq. Taamaattumillu kisitsisitigut paasissutissat iluarsineqarnissaat ataatsimiititaliamit kissaatigineqarpoq.

Naalakkersuisut allannguutissatut siunnersuutaat ilulisiliinissamut piumasaqaatinik aammalu nalinginnaasumik oqaasertaritinneqartartunik eqquutsitsinngitsoq ataatsimiititaliamit oqaatigineqassaaq, taamaattumillu assinganik siunertaqartumik allannguutissatut siunnersuummik Sanaartornermut Ataatsimiititaliaq saqqummiussivoq.

Ataatsimut ataatsimiititaliamit nalilerneqarpoq siunnersuut siuarsarneqartariaqartoq.

Sanaartornermut Ataatsimiititaliamit allannguutissatut siunnersuut:






”Imartami sillimaniarnerup, umiarsuarnik nalunaarsuinerup, inatsiseqarnerup il.il. tamakkiisumik oqartussaaffigineqalersinnaanerisa ataatsimoortumik nalilersuiffigineqarneranik Naalakkersuisut 2020-mi ukiakkut ataatsimiinnermut suliaqaqqullugit peqquneqarnissaannik Inatsisartut aalajangiiffigisassaattut siunnersuut.”

### **Ataatsimiititaliap inassuteqaatai**

Naalakkersuisut allannguutissatut siunnersuutaata itigartinneqarnissaa aammalu ataatsimiititaliap nammineq siunnersuutaata Inatsisartunit akuerineqarnissaa **Sanaartornermut Ataatsimiititaliap isumaqatigiittup inassutigaa.**



Taamatut oqaaseqarluni siunnersuummilu allassimasutut paasinnilluni matumuuna  
ataatsimiititaliap siunnersuut aappassaanniigassanngortippaa.

 Peter Olsen	 Anders Olsen, siulittaasoq	 Justus Hansen
 Nikkulaat Jeremiassen		 Aqqaluaq Egde